

Langweiler

Text: Ernst Weeber (1991); Melodie: „Moonshiner“, trad.

www.langelieder.de

I bin a Langweiler. Wo i hikimm werds faad.
I hab gar koan Pep mehr. I bin bloß no staad.
Hab nix mehr zum herzoang, mir schwimmt oiß davo.
I kann kaum no zuahörn. I bin kaum no da.

I hab koan Fernsehr, i siehg nix von der Welt.
I woaß net, was gspuit werd, i woaß net, was zählt.
I woaß net, was los is mit de Manner und de Fraun,
und i kann meine eigna Sprüch nimma traun.

I stell jetzt mein Stui zruck - der Platz werd frei.
I geh jetzt zu dir auf Verderb und Gedeih!
I geh jetzt zu dir hoam, obs regnt oder schneit,
i mag nimma wartn. und es is gar net weit.